

## **UKIUMOORTUMIK NALUNAARUT 2010 - NUNATTA ATUAGAATEQARFIA**

### **AALLAQAASIUT**

Nunatta Atuagaateqarfiani atuakkanik, atuagassianik, tusarnaagassianik, isiginnaagassianik il.il. atorniartitsisarneq internettimillu atuisinnaanermik neqeroorutit ammasarfiit nalaanni pisarnertut ingerlanneqarput. Takuuk [www.katak.gl](http://www.katak.gl)

Aningaasaliissutit: mio. kr. 13.690

Atukkiussat: 78.400

Atuagaatit allallu: 68.500

Aatsaat siullerpaamik Groenlandica ilanngunnagu Nunatta Atuagaateqarfiani atukkiunneqarsimasunik pigisanillu kisitsisinik saqqummiussaqaarpugut. Ukioq manna Groenlandica nammineq ukiumut nalunaarusiorpoq.

### **GROENLANDICA**

Groenlandica Ilimmarfimmuut nuunnermi kingorna aatsaat siullerpaamik immikkut ukiumoortumik nalunaarusiorpoq. Tassani pingaarnerpaatut maluginiagassaq tassa Ilimmarfimmuut nuunnerup kingorna siunertaasimasup atuagaateqarfittut atorneqarnerulernissap saqquminerulernissallu siunertaa kisitsisinik takussutissaqalersimammat atukkiunneqartartut amerlipiloorsimanerisigut. Takuuk [www.groenlandica.gl](http://www.groenlandica.gl)

### **SULISUT**

- Atuagaatilerisoq nittartagalerisartorlu Kirsten Birkefoss atorfinitsinneqarpoq.
- Atuagaatilerisoq Søren Jensen inersimasut atuagaateqarfianut atorfinitsinneqarpoq, kingornalu tassani team-lederinngorluni.
- Steen Jeppson atuagaatilerisutut sinerissamilu atuagaateqarfinnut siunnersortitut atorfinitsinneqarpoq
- Saaffiginnittarfimmi pisortaq Ane Mikkelsen orlovermat Andrea Mathæussenip taarserallarpaa.
- Pedeli Martin Kristiansen suliunnaarpoq
- Laannguaq Lynge ukiorpassuarni sulereerluni soraarninngorpoq

- Vivi Motzfeldt ukiorpasuarini sulereerluni ullup affaannaa sulisalerpoq
- Eva Lynge Nunatta Atuagaateqarfianut uteqqippoq
- Louise Tøt meeqqanut atuagaatilerisussatut atorfinitsinneqarpoq
- Tusagassiortoq Pauline L. Abelsen meeqqat atuagaateqarfiani atuagaatilerisartussatut tamanullu tusagassiisartussatut atorfinitsinneqarpoq
- Solveig Sanders atuagaatilerisutut taartaagallartussatut atorfinitsinneqarpoq

### **NUNATTA ATUAGAATEQARFIATA ILLUTAA**

- Silaannarissarfiit taarsersorneqarput
- Isaarissami kissartumik supoorsinnaasumik ikkussisoqarpoq
- Illup silataata qisuttai suliarineqarput

### **INNUTTAASUNUT SAMMISASSAQARTITSINIARNEQ**

#### **JANUAR**

Unnuk Kulturisiorfik ingerlanneqarpoq arfininngorneq 23. januar. Sinerissamiit peqataasut ilisimasagut makkuupput: Attu, Ilulissat, Kangaamiut, Maniitsoq, Narsaq, Qaqortoq, Aasiaat, Sisimiut, Qasigiannugit, Saattut, Upernavik, Ukkusissat, Nuuk, Paamiut, Tasiilaq, Illoqqortoormiut, Ivittuut il.il.

Nunatta Atuagaateqarfia ataqatigiissaarisuusarpoq assigiinngitsunillu sammisassaqaartitsilluni.

#### **Nunatta Atuagaateqarfiani pisut**

Nal. 19.00 – 23.00 Cafémi najoqqagassat akeqanngitsut kiisalu illoqarfirmi lagkage annersaq Unnuk Kulturisiorfik ukiuni 10-ni ingerlanneqarnerata kaagia, suleqatitta Andrea Mathæussenip sanaava.

Ikkamut nivinngartukkat taallat, ilaqutariinnut ikinngutigii nulluunniit nallukattartitsineq.

#### **Meeqqanut Atuagaateqarfiani**

Nal. 19.30. 20.30 aamma 21.30 atuakkiortoq Danmarkimeersoq Jim Højberg kilitsissiaasaartitsivoq. Paasiniaasartut Atuarfiat isertugaq sammitillugu. Rogerip Ågellu Paasiniaasartut atuarfianneqatigikkat isertukkami. Åge siornatigut kilitsissiaasimavoq kodenillu isertukkanik

ilitersuussiniarpoq, peqataasut kilitsissiaqarfimmut paasiniaatinneqassapput isertugaatinik qulaarsiartortillugit.

Nal. 22.00 - 23.00 Guitar Hero og Singstar. Playstationimi.

#### Inersimasunut atorniartarfimmi

Nal. 19.00 - 20.00 Jørgen Kleemann Upernavimmioq supputaasarpoq

Nal. 19.30 - 20.00 Pricilla Jørgensen Absalonsen 82-nik ukiulik atuartarfimmi oqaluttuarpoq.

Nal. 20.00 - 22.30 Dida G. Heilmann ilanilu erinarsorlutillu aliikkusersuipput

Nal. 20.00 - 21.30 Ivalo Frank Kalaallit Nunaata kulturianut tunngasumik filmiliornikoq naapinneqarsinnaavoq.

Nal. 22.30 - 23.00 Jørgen Kleemann Upernavimmioq supputaasarpoq.

Atuagaatilerisut oqaloqatigineqarsinnaapput atuagaatilerisut sulerisarnerat ilinniartarnerallu pillugu.

#### **Sapaammi :**

##### Meeqqat atuagaateqarfiani

Nal. 14.00: Atuakkiortoq Jim Højberg atuakkiani kilitsissianut amiilaarnartunullu tunngasut oqaluttuarai.

Jimip misigisartakkani eqqumiitsut oqaluttuarai.

##### Inersimasunut atuagaateqarfimmi

Nal. 14.00: Ivalo Frank oqalugiarpog filmiliani Kalaallit Nunaata kulturianut tunngasoq pillugu.

#### **Unnuk Kulturisiorfimmut nalunaarsorsimasagut peqataasut:**

1. Nunatta Atuagaateqarfia/Det Grønlandske Landsbibliotek
2. Bahai
3. Kigutileriffik/Centraltandklinikken
4. GrønlandsBANKEN
5. Ilimmarfik
6. Ilisimatusarfik (Ilimmarfik)
7. Groenlandica (Ilimmarfik)
8. Kalaallit Nunaata Allagaateqarfia /Landsarkiv (Ilimmarfik)
9. Naatsorsueqqissaartarfik / Grønlandsstatistik (Ilimmarfik)
10. Inatsisartut Allattoqarfiat/Landstingsbureau
11. NS 84 (Katuaq)
12. Peqqissaanermik Ilinniarfik/ Center for Sundhedsuddannelser
13. Pinngortitaleriffik/Naturinstitut
14. Politiet
15. Qeersaat (Katuaq)
16. SISA (Katuaq)
17. Skakklub (Katuaq)
18. Siunnersuisoqatigiinnut Aalajangiisartunullu Aqutsisoqarfik/Styrelsen for Råd og Nævn
19. TelePost
20. Qatserisarfik/Brandstationen

21. Nuuk Kunstmuseum
22. Kittat/Skinsystuen
23. Rådhuset
24. Svømmehallen Malik
25. Katuaq
26. Katersortarfik / Forsamlingshuset
27. Assavut (Katersortarfik)
28. Illerfissarsiutileqatigiit / Ligkisteforeningen (Katersortarfik)
29. ISS Brand & Redning
30. Silamiut
31. Neriuffiit Kattuffiat / Kræftens Bekæmpelse (Katuaq)
32. Golfklubben
33. Asiaq
34. Air Greenland
35. Nunatta Katersugaasivia / Grønlands Landsmuseum
36. Arnat Peqatigiit / Kvindeforeningen
37. Nuuk Internationale Friskole
38. KNR
39. Palaseqarfik / Nuuk præstegæld

Unnuk Kulturisiorfiup ukiuni 10-nngortorsiorneranut atatillugu Nunatta Atuagaateqarfiata ataqatigiissaarisarneranut tunngatillugu Elisa Jeremiassen KNR/Tamassami apersorneqarpoq Qasigiannguaniit Inge-Marie Rosing ukiut tamaasa peqataasitsisartoq aamma apersorneqarluni.

Sinerissami Nuummilu peqataasorpassuarnut aaqqissueqataasunullu Nunatta Atuagaateqarfia sinnerlugu qujavugut minnerunngitsumillu aningaasanik tapiissuteqarsimasunut makkuusunut:  
 Tips- aamma Lottop aningaasaateqarfia, NAPA, Statens Kunstråd, Kommuneqarfik Sermersooq.

#### FEBRUARI

- Niviarsiaqqanut unnussiuaartitsineq
- Meeqqanik atuagaateqarfimmi tukkutitsineq
- Inersimasunut assassoqatigiisitsineq

#### MARTSI

- Nukappiaqqanut unnussiuaaqatigiisitsineq
- Inersimasunut oqaluttuaqattaarutsitineq

#### APRIL

- Inersimasunut Magga Karslen Narsamiit Frederik Kristensen (Kunngi) aaqqissueqatigalugu ikaartitikkaminik saqqummersitsiutigaluni Aasiveqartarnek pillugu oqaluttuaqattaartitsivoq.
- Niviarsiaqqat unnussiortinneqarput

- Inersimasunut assassoqatigiisitsineq
- Nunarsuarmi Atuakkat Ulluat (Isak Kleist oqalugiartussaagaluarluni arsakorsuit pillugit tikinngitsoorpoq)
- Meeqqat inuusat atorlugit Erna Lyngep isiginnaartitsissutiliaanik isiginnaartinneqarput.
- Yo-gi-oh-nik pinnguarnermik ulloqartitsisoqarpoq - rekordiliiniunnertalimmik.

#### MAJ

- Nukappiaqqat unnussiuartinneqarput
- Inersimasut Internettimik atuinissamik pikkorissarnissaannik neqeroorfigineqarput

#### JUNI

- Ulluni 27.6 - 2/7 Inuit Isittormiut Nuummi ataatsimeersuarnerannut atatillugu assigiinngitsunik silami aaqqissuussivugut, immikkut ittumillu tikeraat pillugit sapaammi ammalluta silamilu meeqqat meeqqerivimmiut titartagaannik saqqummersitsilluta.

Cafémi atuakkanik allanillu silami tuniniaavugut, kiisalu nipilersuutiniq saqqummersinneqartartunik saqqumisititsilluta. ICC, Milik Publishing, Atuagkat, Atlantic Musicilu suleqatigalugit ullut tamaasa nal. 12-17 silami nerrivilersorluta, kaagiliorluta najoqqagassaqartitsillutalu sammisassaqartitsivugut.

- Jørgen Kleemann supputaasarpoq
- Inummik inuusaliaasaq nikinneq ajortoq ullut tamaasa atisanik taarserlugit silami alutorsartitsisarpoq
- Inuusaniq isiginnaartitsineq, tulukkanik oqalutsitsineq Erna Lyngep isiginnaartitsissutiliaa silami takutinneqartarpoq meerarpassuarnik nuannarineqaqisoq
- Klovni Kaj Gummisko silatitsinni inuppassuarnik ussatsitsisarpoq angakkuartarniarlunilu
- Lana Hansen (kalaallisut, qallunaatut tuluttullu) silami atuakkiani Sila aallaavigalugu oqalugiarpog

Aningaasaliisut qutsavigaavut: NAPA & Statens Kunstråd aamma Kommuneqarfik Sermersooq.

#### SEPTEMBER

- Pikkoreqqiffissaaruttunut ulloqartitsineq (Store nørddag)
- National Videnskabsfestivali, atuarfiit pqataatillugit

- Assassoqatigiisitsineq inersimasunut

#### OKTOBER

- Sapaammi ammasarnerit aallartipput
- Niviarsiaqqanut unnussiuartitsineq
- Meeqqanik (angajoqqaat atsiortillugit) tukkutitsineq

#### NOVEMBER

- Nukappiaqqanut unnussiuartitsineq
- Nordisk Spil Dag (Paaliit)
- Prinsessit ulluat, meeqqat prinsissitut atisalersorlutik sammisaqartinneqarput
- Ilaqutariinnut juullerpalaartitsineq qiortaaneq il.il.

#### **ISUMASIOQATIGIINNERNUT PIKKORISSARNERNULLU PEQATAASARNERIT**

- Mette Laustsen aamma Elisa Jeremiassen IFLA-mut (Nunarsuarmi tamani atuagaateqarfiit kattuffissuat) Danmarkimi ingerlanneqartumut peqataapput oqalugiartullu. Danmarkimiinnermi atuagaateqarfippaaluit isumassarsiorfiginiarlugit pulaarpaat.
- Andrea Mathæussen aamma Elisa Jeremiassen Oqaatsit pillugit isumasioqatigiisitsinermut peqataapput.
- Andrea Mathæussenip suleqatini piumasut qallunaatut oqaasillit kalaallisut pikkorissartarpai
- Avataaniit tikisitsilluta atuagaatilerisut internettimi qinaasiffissiat pillugit ullut marluk pikkorissartinneqarput "Google er ikke Gud" Google kisimi qinaasiffissaanngilaq.
- Jim Højberg aamma Britta Bitsch Nunatta Atuagaateqarfiani sulisunut saqqummiipput Danmarkimi atuagaateqarfiit suliniutaannik assigiinngitsunik
- Klaus Georg Hansen sulisunut kulturit assigiinngissutaat pillugit sulisunut tamanut saqqummiisinneqarpoq.
- Aksel Mikkelsen Axiellimit nittartakkat atorniariaatsinullu qarasaasiat ineriartortitat pillugit saqqummiisinneqarpoq.

## **MIPI**

Goenlandica/Nunatta Atuagaateqarfialu sinnerlugit Elisa Jeremiassen MIPI-ip siulersuisuinut ilaasortassatut toqqagaavoq.

## **TAMALAAT**

- ARTO internettimi iserfissaq matunikuugaluarlutigu ammaqqupparput, matoqqaannarnissaa naleqqukkunnaarmat
- Atuakkat kalaallisut cd-ngortinnissaannut suliniut ingerlanneqarpoq
- Steen Jepsen siunnersortitut Pituffimmut angalavoq
- Sulisut piumasut pujortartarunnaarnissaq pillugu pikkorissarnissaannut kajumissaarneqarput
- Palles Gavebod - nittartakkamiittoq meeqqanut naleqquttoq aallutilerparput
- Kapisillit atuakkanik atorniartarfiat ammaqquppoq
- Atuakkanik atorniartarfiit atuarfinnut atasut atuakkanik kalaallisuunik pisissunneqassapput. Atuakkanik atorniartarfiit tamanik atorniarfigineqarsinnaasut atuakkanik kalaallisuunik pisissunneqartarnerat ingerlaannarpoq.
- Suliffigissaasunik ilisimatinneqarnata alakkarteriataarpugut, alakkaasorlu misissuereerluni uparuaatissaqannginnerarpoq, tamannalu nuannaarutigaarput.
- Unnuk Kulturisiorfik iluatsillugu Lions Clubip annoraaminermik assilialiaq "Livet i havet" Rita Mortensenip sanaava Nunatta Atuagaateqarfiani nivingatinneqareersoq tunissutigineqarpoq. Lions Clubimut qujavugut.

Naggasiullugu oqaatigisinnaavara Nunatta Atuagaateqarfia aamma atuakkanik atorniannngitsunik isaaffigineqarluartarmat, tassa internettimik (12-nik peqarpugut) akeqanngitsumik atuiartortunik aviisinillu atuariartortunik ullut tamaasa ornigarneqartaqaagut. Illoqarfimmut inuit nuukkaangamik atuagaateqarfiliartarput kiisalu aamma takornarissat qarasaasianik atuiartortunik isersimaartarput. Taakku saniatigut meerarpassuit inuusuttut inersimasut utoqqaallu qujanartumik isertorisagaagut.

Elisa Jeremiassen

Nunatta Atuagaateqarfiata pisortaa, juni 2011